

beten: Psal. 39. v. 6. **HERR** lehre doch mich / daß  
es ein ende mit mir haben muß / vnd mein Leben ein  
Ziel hat vnd ich davon muß. Vnd mit Paulo be-  
kennen / Es ist gesetzet dem Menschen einmal zu ster-  
ben / vnd darnach das Gerichte / Hebr. 9. v. 12.

D.

Darnach in salutarem de pia vita & beata mor-  
te informationem. Daß wir gedencen an vnser letz-  
tes ende / vnd nimmermehr vbelß thun / Syr. 7. in  
fine. Vnd mit David vnd Mose seuffzen / **HERR**  
lehre vns bedencen daß wir sterben müssen / auff daß  
wir klug werden / Psal. 90. v. 12.

E.

Zu dem in singularem pro lugentibus conso-  
lationem, daß man die betrübten tröste / wie der hei-  
lige Paulus thut / 1. Thess. 4. v. 13. Wir wollen  
euch lieben Brüder nicht verhalten / von denen die  
da schlaffen / auff daß ihr nicht trawrig seid / wie die  
andern die keine hoffnung haben / Denn so wir glau-  
ben daß Jesus gestorben vnd auferstanden ist / Also  
wird **GOTT** auch die / so entschlaffen sind / durch Je-  
sum mit ihm führen / vnd vermahnet am ende des  
Capitels: So tröstet euch mit diesen Worten  
vntereinander.

F.

Endlich in piam defunctorum in fide & vita  
imitationem, Damit die lebende vnd vbrige das E-  
xemplum der selig verstorbenen anschawen / vnd ihrem  
Glauben vnd Gottseligkeit nachzufolgen vrsach ha-  
ben / vnd angemahnet werden. Inmassen wir lesen  
Hebr. 13. v. 7. daß der heilige Apostel alle Zuhörer

auffmun-